

INUIT ATAQATIGIIT

Inatsisartuni



Juulip 30-at 2026

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1) UKA24-mi imm. 57 innersuullugu Naalakkersuisunut apeqquutiginiarpara taassunga tunngasumik Naalakkersuisut suliamik nangititsiniarnersut.
 - a) Aappiuppat suliaq sumut killippa?
 - b) Naamiuppat nangitsisimannginneq sumik peqquteqarpa?
- 2) Suliaq naammassineqassappat suna amigaatigineqarpa aamma suna aporfiusinnaava?
- 3) Nunatta karsianut kinguneqassava?
- 4) Tassunga tunngasumik Naalakkersuisut allamik oqaasissaqarpat?

(Inatsisartunut ilaasortaq Nivi Rosing, Inuit Ataqatigiit)

Tunngavilersuut:

Naluneqanngitsutut tjenestemandi nunatsinni najugaqartup soraarnerussutisiassai qallunaat nunaanni najugaqartuminngaaniit annikinnerujussuusut. Assigiinngissutaasoq apeqquutaasarluni skalatrin sorlermiinnerluni. Ajorluartumillu tamanna peqqutaalluni nunaqqaterpassuagut qallunaat nunaannut nuuttariaqartarsimapput utoqqalinersiat tungaatigut pitsaanerusumik atugassaqarusullutik.

Ilaquuttat ernuttatillu allaat qimattariaqarlutik. Tamanna ajorluarpoq akuersaaruminaappoq allangortariaqarluarporlu. Utoqqartagut, ilisimasaqarluartut misilittagartuut atorfissaqartitagullu taamaalillugit annaasarpagut aamma qallunaatut taasarpaat de gråguld-iutigut. Atorfissaqartippagut pisariaqartippagullu. Nunarput qimannagu, ilaquuttat ernuttatillu qimannagit nunatsinni eqqissillutik inooqataasinnaasariaqarput, suleqataarusukkunillu suleqataallutik. Taamatut tunngavilersuuteqarlunga matumuuna apeqquuteqaatiga ingerlateqqippara.

Kissaatigaara apeqquutit ullut qulit qaangiutsinnagit akineqarnissaat.